

den Nieren vnd Blasen nachtheilig/ machen die Falten netze/ vnd verursachen dergleichen beschwerung des Harms.

In gleichen/ wann die Biere nicht wol/ oder zu voller genüge abgegoren haben/ entweder von wegen einer harten anstossenden Felte/ oder wenn man ihnen zu sperrt Hefen gegeben / oder sie zu frue gefasset hat/ In den fellen/ werden gar selte klare Biere.

Ob das frische oder alte Bier/
dicker sey.

Das frische Bier/ ist dicker / oder vnklar/ nicht von sich selbst/ Sondern durch einen zufal/ Als nemlich/ das es noch nicht abgeklärt/ vnd von den Hefen recht purgirt vnd gereiniget ist/ Wann es aber purificirt vnd klar geworden / so ist es nicht so dicke/ als das alte Bier.

Das alte dicke Bier aber / nutrirt besser / Die dünnen vnd geringen Biere aber / erregen vnd prouocirn den Harm gewaltig/ aber nutrirn wenig/ vnd geben nicht viel narung dem Leibe.

Von der farbe des Biers.

Je Biere empfangen ihre farbe/ von dem Korn oder Hopffen/ vnd ja die Gerste besser gedürret/ vnd